

91. NAO - 2012ko maiatzaren 15a

15. ORDENANTZA

ORDENANTZA FISKALA, ETXEKO LAGUNTZA ZERBITZUAREN PREZIO PUBLIKOAK ARAUTZEN DITUENA

Oinarria.

1. artikulua. Nafarroako Toki Ogasunei buruzko martxoaren 10eko 2/1995 Foru Legearen 28. artikuluan eta hurrengoetan xedatutakoaren babesean ezarri da ordenantza honetako prezio publikoa.

Zergapeko egintza.

2. artikulua. Zergapeko egintza da etxeiko laguntza zerbitzua zuzenean ematea, Barañaingo Udalak arlo honi buruz onetsi duen ordenantza ez fiskalean ezarritako baldintzetan. Gehienez bi orduko laguntza emanen da egunean.

Subjektu pasiboa.

3. artikulua. Subjektu pasiboak izanen dira 2. artikuluan azaldutako zerbitzuak eskatu eta erabiltzen dituzten pertsonak.

Prezio publikoa. Tarifen sistema.

4. artikulua. Finantzabideari aplikatzen ahal zaizkion irizpide eta printzipioak ondokoak dira:

Familia unitatearen definizioa: prezio publikoa kalkulatzeko erabiliko da PFEZn definitzen den familia unitatea:

-Legez banandurrik ez dauden ezkontideek eta adingabeko seme-alabek osatua (gurasoen baimena izanda beraiekin bizi ez direnak salbu); unitate horretan sartzen dira, halaber, judizialki ezgaituta eta guraso-aginte luzatu edo birgaituaren menpe dauden adin nagusiko seme-alabak.

-Berariazko legeen arabeko bikote iraunkor bateko kideek eta adingabeko seme-alabek osatua (gurasoen baimena izanda beraiekin bizi ez direnak salbu); unitate horretan sartzen dira, halaber, judizialki ezgaituta eta guraso-aginte luzatu edo birgaituaren menpe dauden adin nagusiko seme-alabak.

-Legezko banantzea gertatu denetan edo, ezkontzaren bidezko loturarik edo bikote iraunkorrik ez dagoenean, aitak edo amak eta batarekin edo bertzearekin bizi diren seme-alaba guztiek osatzen dutena, aitzineko atalean aipatu betebeharrak betetzen badituzte.

Ahalmen ekonomikoa zehaztea: errenta eta gastu kengarriak:

-Errenta: PFEZaren etekin garbiak eta pentsio edo prestazio salbuetsiak.

-Gastu kengarriak: kuotan desgrabazioa izateko oinarria eratzen dutenak, ondoko arrazoiak direla eta: pertsonalak, etxebizitza alokairuan hartu edo erostea, eta menpekotasunagatik emandako laguntzaren ingurukoak (eguneko zentroak, garraioa, etxeiko lanak egitea eta bertzelakoak).

-Hileko per capita errenta garbia: aurreko kontzeptuen arteko aldea familia unitateko kide kopuruaz eta 12 hilabetez zatituz sortzen dena.

Erabiltzailea PFEZaren aitortzea egitera behartua ez dagoenean, aurreko ekitaldian izandako diru-sarreraren arabera zehaztuko da ahalmen ekonomikoa.

Kostuaren oinarritzko unitatea zehaztea:

Zerbitzuaren kostu guztiak egotzi eta emandako laguntzaren guztirako kostuaren balioa, ordu bakoitzeko, zenbat den ateratzeko, honela egingen da:

Urtero zehaztuko da kostu zentro bat, eta horri egotziko zaizkio zerbitzuaren zuzeneko eta zeharkako kostu guztiak: lanaldi osoko familia-langile baten kostua eta gizarte-langilearen eta administrari laguntzailearen kostuaren %15, azken bi profesional horiek ere zuzenean parte hartzen baitute zerbitzuaren kudeaketan.

Guztirako kostua lanaldi osoko familia-langile batek etxez etxeko laguntzarako egiten ahal dituen orduen kopuruaz (lanaldi horren %80) zatituta ateratzen da laguntza orduaren kostua.

Tarifaren oinarritzko unitatea:

Zerbitzua etxean ematen iragandako denbora da tarifaren oinarritzko unitatea.

Laguntza orduaren %50 izanen da prezio publikoa edo tarifa.

Prezio publikoa kargatzeko gero eta gehiagorako eskala:

Karga-eskala familia unitatearen per capita errenta garbiari egotziko zaio, eta errenta horrek urteko OAEAParekiko (ondorio askotarako errentaren adierazle publikoa) gordetzen duen proportzioan oinarrituko da.

Aplikatu beharreko tarifak ordenantza honen eranskinean agertzen dira.

Prezio publikoen sorrarazpena.

5. artikulua. Tasak hilabete natural osoak bukatutakoan sortuko dira, subjektu pasiboa zerbitzua erabiltzetik gelditzen ez den bitartean. Hasierako edo azkeneko aldiak ez badatoz hilabete naturalekin bat, egun naturalen arabera hainbanaketa egingen da.

6. artikulua. Aski ongi justifikatu eta baloraturiko inguruabar jakin eta bereziak direla bide, ikusten bada erabiltzaile batendako baremoa aplikatuz etortzen den tasa ordaintzea gehiegizko zama dela, zerbitzuko gizarte langileak proposatzen ahal du erabiltzailea diru-sarrera apalagokoen mailan sartzea edo tasa ordaintzetik salbuestea.

7. artikulua. Prezio publikoa hileroko ordainduko da, zerbitzuaren sorrarazpena izan eta hurrengo hilabeteko lehenbiziko bost eguneko epearen barnean eta horretarako ezartzen den moduan.

Arau-haustek eta zehapenak.

8. artikulua. Arau-haustetzat hartuko da, tarifa tikiagoa izateko asmoz aurkezten diren agiri edo aitortpenak faltsutzea, baita Udalari ez jakinaraztea ere tarifen kalkulua egiteko kontuan hartu behar diren diru-sarrerak handitu direla.

9. artikulua. Egiten diren arau-hausteak Toki Ogasunei buruzko 2/1995 Foru Legean ezarritakoaren arabera zehatuko dira, eta erabiltzailea zerbitzutik kentzeraino heltzen ahalko da.

AZKEN XEDAPENAK

Lehenbizikoa.-Ordenantza honetan aurreikusten ez den orotan, Toki Administrazioari buruzko Foru Legean eta Nafarroako Toki Ogasunei buruzko martxoaren 10eko 2/1995 Foru Legean xedatuari jarraituko zaio.

Bigarrena: ordenantza fiskal honek Nafarroako Toki Administrazioari buruzko uztailaren 2ko 6/1990 Foru Legean aurreikusitako izapideak bete ondoan hartuko du indarra.

XEDAPEN INDARGABETZAILE BAKARRA

Indarrrik gabe gelditu da ordenantza hau:

-15. ordenantza fiskala, Etxeko laguntza zerbitzua egiteko prezio publikoak arautzen dituen, Barañaingo Udalak onetsia.

2014KO TARIFEN ERANSKINA - 248. NAON ARGITARATUA 2013KO ABENDUAREN 27A

ERRENTA MAILAREN TARTEAK	TARIFAREN ESKALA
PCEG (per capita errenta garbia) < OAEAP	3 euroko tarifa finkoa, hilean
OAEAP < PCEG > %105 OAEAP	6 euroko tarifa finkoa, hilean
%105 OAEAP < PCEG > %120 OAEAP	Prezio publikoaren 0,15
%120 OAEAP < PCEG > %135 OAEAP	Prezio publikoaren 0,30
%135 OAEAP < PCEG > %150 OAEAP	Prezio publikoaren 0,45
%150 OAEAP < PCEG > %165 OAEAP	Prezio publikoaren 0,60
%165 OAEAP < PCEG > %180 OAEAP	Prezio publikoaren 0,75

%180 OAEAP < PCEG > %195 OAEAP	Prezio publikoaren 0,90
PCEG > OAEAParen %195	Prezio publikoa